

09.03 MARELLA

Il magliacudeschs

En il magliacudeschs discorra Esther Krättli cun giasts davart cudeschs che dattan en egl.



En il center da l'emissiun stattan dus cudeschs che van en zonas grischas e nairas da la vita. Preschentadas vegnan las istorgias da snuizi «La feglia dal fraissen» da Viola Cadruvi e «Johann Stoffel. Vom populären Dieb zum Schneidermeister», in cudesch che descriva la vita aventurusa d'in pitschen delinquent ed ina resocialisaziun gartegiada. Ils giasts dal magliacudeschs èn questa giada Silvana Derungs e Jürg Simonett. En ses emprim cudesch sfruscha Viola Cadruvi vi da la vart stgira e sembra en nus. «La feglia dal fraissen» preschenta raquints da horror che laschan enavos lecturs e lecturas cun pel-giaglina. Insumma betg privlus è stà il protagonist dal segund cudesch. L'istoricher Jürg Simonett ès i sin ils fastizs da Johann Stoffel da Val S. Pieder. Quel ha cumenzà sia carriera sco lader e retg da l'evasiun per daventar a la fin in maister cusunz reconuschì. Il tip da la magliacudeschs Nadina Derungs è «Vogelgott», in bestseller da l'autura tudestga Susanne Röckel. En il stil da la romantica naira va il roman en tschertga d'in utschè mistic.

Redacziun: Esther Krättli